

World Vision Bosna i Hercegovina
Jačanje kapaciteta WV osoblja u privremenim prihvatnim centrima

Organizacija: WORLD VISION BOSNA I HERCEGOVINA
Zemlja: Bosna i Hercegovina
Datum: April 2024

Opis tražene usluge:

Projekat „Društvena participacija ljudi u pokretu i lokalnog stanovništva u zajednicama domaćinima u Bosni i Hercegovini“ ima namjeru da doprinese socio-kulturnom sudjelovanju ljudi u pokretu u zajednicama domaćinima kroz razmjenu znanja, vještina i kultura ljudi u pokretu i lokalnih zajednica domaćina u Bosni i Hercegovini.

Svrha i cilj angažmana

Angažman ima za svrhu upoznavanje i izgradnju kapaciteta World Vision (u daljem tekstu WV) osoblja koje svakodnevno radi i pruža usluge korisnicima u privremenim prihvatnim centrima (Kanton Sarajevo: Blažuj, Ušivak, Unsko-sanski kanton: Borići) o promjenama i statusu migracijskih trendova unutar i izvan BiH s ciljem jačanja njihovih kapaciteta, senzibilizacije i razmjene naučenih lekcija u pristupu i radu sa korisnicima u privremenim prihvatnim centrima (u daljem tekstu PPC) kako bi se prevenirali sigurnosni rizici i unaprijedili mehanizmi zaštite i podrške prema korisnicima unutar navedenih privremenih prihvatnih centara.

Zaduženja i odgovornosti

Ovaj dokument opisuje radni zadatak za konsultanta/icu koji će pružiti sljedeće usluge:

Konceptualizirati i razviti model sesija za poboljšani pristup WV uposlenika unutar privremenih prihvatnih centara u skladu sa najnovijim migrantskim trendovima, promjenama i rizicima koji će uzeti u obzir dokumentirane statistike Službe za poslove sa strancima i dostupne prakse unutar BiH. Projektni zadatak ne podrazumijeva od konsultanta da vrši istraživanje već mora biti upoznat i doći do dostupnih dokumenata i statistike Službe za poslove sa strancima kako bi mogao kreirati plan rada, prilagodbu i usmjerenje sadržaja za realizaciju obuka.

Izvršiti obuku WV osoblja koje svakodnevno radi i pruža usluge korisnicima unutar PPC (Ušivak, Blažuj i Borići) o tome kako reagovati na određene promjene, trendove i sigurnosne rizike unutar migrantskih tokova u BiH, kako kroz svoj svakodnevni rad mogu unaprijediti mehanizme prevencije, pomoći i zaštite korisnika PPC sa fokusom na najranjiviju populaciju, djecu i maloljetnike bez pratnje.

Vremenski okvir:

Za sve zadatke definisane uslovima angažmana, konsultat će biti angažovan od kraja maja 2024. do kraja oktobra 2024. godine.

Očekivani rezultat	Period implementacije ili datum dospjeća
Pripremljen model i plan sesija	Kraj maja 2024.god.
Izvršene 4 obuke za WV osoblje koje svakodnevno radi i pruža usluge korisnicima unutar privremeno prihvatnih centara (Ušivak, Blažuj i Borići)	I obuka Juni 2024, PPC Ušivak II obuka Juli 2024, PPC Borići III obuka Septembar 2024. PPC Ušivak IV obuka Oktobar 2024.god. PPC Borići

Napomena: Zbog specifičnosti rada privremenih prihvatnih centara, precizni datumi i vrijeme održavanja aktivnosti u PPC će se dogovorati i koordinirati sa WV u BiH. Od kandidata se očekuje fleksibilnost u usklađivanju plana rada i realizacije aktivnosti.

Vremenski okvir:

- Objava poziva za ponude – 24. april 2024.
- Slanje ponuda na adresu WV-a najkasnije do 8. maja 2024.

Napomena: Zbog specifičnosti rada privremenih prihvatnih centara, precizni datumi i vrijeme održavanja aktivnosti će se dogovorati i koordinirati sa WV u BiH. Od kandidata se očekuje fleksibilnost u usklađivanju plana rada i realizacije aktivnosti.

Background:

World Vision je kršćanska organizacija za pomoć, razvoj i javno zagovaranje, posvećena radu sa djecom, porodicama i zajednicama kako bi prevazišli siromaštvo i nepravdu.

World Vision služi svim ljudima bez obzira na religiju, rasu, etničku pripadnost ili spol. Prisutni smo u preko 100 zemalja svijeta, a u BiH djelujemo od 1994. godine.

Potrebno/poželjno iskustvo i vještine:

Ekspertiza i iskustvo

- Minimalno univerzitetska diploma, poželjno iz oblasti sigurnosnih studija ili srodnih nauka,
- Minimalno 5 godina iskustva u radu sa migrantskom populacijom, izbjeglicama i azilantima
- Poznavanje međunarodnih i nacionalnih pravnih okvira i zaštite iz oblasti imigracija
- Upoznat sa operativnim radom Službe za poslove sa strancima i vlada statistikama i informacijama o neregularnim migracijama, neregularnim migrantima i sigurnosnoj situaciji u BiH
- Posjeduje znanje o sigurnosnoj situaciji u privremenim prihvatnim centrima i mjerama zaštite korisnika i uposlenika unutar PPC
- Posjeduje značajno iskustvo i praksu u izradi politika i operativnih dokumenata u oblasti imigracija
- Izuzetno upoznat sa svim postojećim servisima, pružaocima usluga i načinom rada privremenih prihvatnih centara u BiH kao i operativnim radom i ulogom Službe za poslove sa strancima unutar PPC
- Posjeduje odlične komunikacijske i organizacijske vještine
- Posjeduje znanje i iskustvo u vođenju obuka, sesija, sastanaka sa različitim korisnicima
- Sposoban/na za rad u timskom i interkulturalnom okruženju uz minimalan nadzor;

World Vision će donijeti odluku o najuspješnijem ponuđaču na osnovu sljedećih kriterija:

- Pojedinci sa iskustvom i kvalifikacijama u obavljanju navedenih ili sličnih poslova
- Najpovoljnija ponuda u odnosu na ponuđeni kvalitet

Da bi se prijavili na ovaj poziv, aplikanti trebaju ispuniti sljedeće uslove za predaju ponuda:

Aplikant treba da preda sljedeću dokumentaciju:

1. Detaljan plan rada sa kratkim opisom aktivnosti i vremenom trajanja,
2. Sažetak o ekspertizi i iskustvu na sličnim zadacima
3. CV sa relevantnim kvalifikacijama i radnim iskustvom,
4. Lista referenci o izradi istih ili sličnih strateških dokumenata sa mogućnošću provjere,
5. Potpisana izjava/saglasnost da će ponuđač (ili bilo ko od direktora ili službenika) biti otvoren za provjeru podataka uključujući i WV platformu za provjeru podataka "Watch dog screening" (gdje je primjenjivo),
6. Potpisan "Supplier code of conduct"
7. Finansijska ponuda potpisana i poslana u PDF verziji

Procedura:

Ponuda za poziv br. FY20_467 – Izrada nacionalnog Akcionog plana za borbu protiv trgovine ljudima

Javni poziv ostaje otvoren do 8. maja do 12:00 sati. Ponude u skladu sa uputstvom iz detaljne dokumentacije potrebno je dostaviti na email admindept_bih@wvi.org. Sve ponude koje ne budu dostavljene do navedenog vremena ili ne budu u skladu sa uslovima poziva neće biti uzete u razmatranje. Ukupan iznos ponude treba da uključuje sve direktne i indirektno troškove koji se odnose na ponudu.

Samo kandidati koji uđu u užu izbor će biti kontaktirani. Nakon izbora, odabrani ponuđači će biti obaviješteni o datumu potpisa ugovora. Odabir ponuđača će biti vršen na osnovu tehničkih i finansijskih kriterija, kako je definisano pozivom.

Za sva pitanja molimo Vas da nas kontaktirate na admindept_bih@wvi.org. Na telefonske upite ne odgovaramo.

Objavlivanje ovog poziva za ponude i prijem ponuda neće na bilo koji način obavezivati World Vision BiH niti bilo koji drugi ured unutar World Vision partnerstva.

World Vision neće biti odgovoran za, niti će podlijevati bilo kakvim troškovima koje ponuđači naprave tokom pripreme svojih podnesaka ili prezentacija vezanih za ovaj poziv za ponude.

Nijedna strana neće koristiti ime druge strane u saopštenjima za javnost, preporukama, za potrebe marketinga ili sličnih aktivnosti, bez prethodne pismene saglasnosti druge strane.